



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 4. Vtrum lumen gloriæ, & alij habitus infusi sint tota ratio agendi
actus supernaturales seu intellectus, seu voluntatis.

[urn:nbn:de:hbz:466:1-76990](https://nbn-resolving.de/urn:nbn:de:hbz:466:1-76990)

eius, aut certe supernaturale aliquid lumini æquivalens, cui dicta species debeatur. Quoniam cum ea, ut supponimus, sit supernaturalis, intellectui naturali nude sumpto connaturalis esse non potest, bene tamen intellectui instrudio supernaturali accidente, cui debita sit, & connaturalis talis species.

43 Vnde secundo asserto, si vera est sententia quæ docet, datur de facto specie impressam, eamque diffidam realiter à lumen gloriae, quæ visio beatifica efficiatur, de facto concurrendo lumen gloriae, quod datur, ad talis speciei receptionem ut quedam dispositio eius. Quia, si quemadmodum species impressa naturalis coniunctus alterius obiecti virtutem completam intellectus solet supponere, eique ratione talis virtutis connaturaliter solet imprimi. Ita credibile est, speciem etiam supernaturalem essentiam diuinam connaturaliter, in fundo intellectui Beatorum, completa prius eius virtute actinæ, dispositaque passim per lumen gloriae, in quo fundetur talis connaturalitas. Item lumen veluti ex parte potentie se habet, species vero veluti ex parte obiecti, qua ratione infra explicabimus q. 6. Unde nihil mirum, si lumen speciem præcedat, ad eiusque receptionem disponat, ut ex connaturalis sit invenientia supposita.

44 Tertio asserto, easu, quod Deus per se immediate loco speciei concurrat ad visionem beatificam, quodammodo etiam requiri lumen ut quandam dispositionem ad hoc, ut Deus in ordine ad tales concurredit intelligibiliter vniatur intellectui Beatorum. Quoniam Deus nullo alio modo potest per se coniungi intelligibiliter intellectui Beatorum præ alijs antecedenter ad visionem beatificam, & ad decretum eam producendi simul cum ipsis, atque etiam in ipso intellectu, quam posito aliquo, ex quo, & ex intellectu, & ex Deo resultet, coniunctum, cui tanquam adequare principio productio visionis, atque ad hoc dictum decretum connaturalis, & debita sunt. Hoc autem aliud esse nequit, nisi lumen, aut quid ei æquivalent, ut pluribus explicabitur infra q. 8. Hoc ergo sensu lumen, aut aliud quid lumini æquivalens dispositio vocari potest, ex parte intellectus necessaria ad hoc, ut Deus ipsi vniatur intelligibiliter per se immediata absque specie impressa in ordine ad producendum visionem. Quo sensu intelligendus est S. Thomus, dum lumen gloriae tanquam dispositionem præsumit requirit ex parte intellectus ad hoc, ut essentia diuina cum illo intelligibiliter vniatur. Per quæ satis, superque expedita, probataque proposicio manet.

45 Nec aliud, præter dicta, minus exercet lumen gloriae circa visionem Dei, ut omnes Auctores vnanimiter sentire videntur. Nonnulli enim, qui dixerunt, exercere insuper illud munus cause formalis, non aliud velle censendi sunt, quam illud ut quandam formam accidentalem intellectui tanquam subiecto, seu tanquam materia inherentre simul cum hoc ad visionem efficientiam aut etiam recipiendam concurrendo. Vtrum verò lumen in visione efficienda munus speciei impressæ gerat infra q. 9. examinandum est. Quoties autem S. Thom. lumen gloria vocat medium sub quo visionis Dei, ut 1. p. q. 12. art. 5. ad 2. & q. 18. de Verit. art. 1. ad 1. & quodl. 7. art. 1. aliisque in locis, eo loquendi modo nullum novum munus attribuit lumini, præter superiori expressa; sed tantum vult per analogiam quam-

dam, sicut color ab oculis corporis non videtur nisi sub lumine corporeo, ita Deum nisi sub lumine spirituali ab oculis mentis non videri. De quo plura videri posunt apud Egidium su-

QVÆSTIO IV.

Vixum lumen gloriae, & alij habitus, infusus sunt tota ratio agendi actus supernaturales seu intellectus, seu voluntatis vno.

A Firmant plerique Thomistæ post Sotum in 4. dist. 49. q. 3. art. 2. Aluvare de auxiliis disp. 64. concil. 2. & disp. 85. art. 3. Cabrera tom. 1. ins. 3. p. q. 1. art. 1. disp. 6. dub. 6. Nazar. 1. p. q. 12. art. 5. contr. Joan. à S. Thom. ibi disp. 14. art. 2. Cursus Carmelit. ibidem, & alij Recentiores communiter. Pro negatiuâ tamen parte stant omnes nostra Societas Doctores, quorum longum syllabum referit Ripalda de Ente supern. disp. 30. sec. 2. Ex reliquis autem fere omnes, qui rem attigerunt, quorum multos referit etiam Ripalda sec. 10. & 11. Quibus addit. Arriag. 1. p. disp. 7. sec. 3. Recupit. lib. 6. q. 6. & 18. Oued. 1. 2. trac. 1. contr. 8. punct. & cateros omnes Recentiores.

Hic potest esse duplex questio. Altera de re, & latere graui. Altera de modo tantum loquendi. De re quidem, vtrum potentia naturalis, intellectus scilicet, aut voluntas creata, effectu per se concurret simul cum habitu sibi inflato ad actum supernaturalem, ita, ut actio factua huius non à solo habitu, sed insuper à potentia naturali, atque adeo à coniuncto ex illa, & ex habitu physicè oriatur. Videlicet habitus sit, qui physicè efficit actum: potentia autem naturalis non aliter concurrat ad illum, quam sustentando habitum ipsum in se receptum: ad eum modum, quo solus calor receptus in aqua calefacit corpus sibi applicatum efficiendo in eo alium calorem, ad quem aqua nullo alio modo concurrit; quam in sufficiendo calorem factuum eius tanquam illius subiectum. De modo autem tantum loquendi erit questio, si, sensu statuto, quod potencia naturalis per se concurreat simul cum habitu ad efficiendum actum ita, ut actio factua actus à coniuncto ex potentia, & habitu indissimiliter nascatur; controvenerat, an habitus solus nihilominus dicendus sit tota ratio agendi, potentia autem neque partialis causa factus actus dicenda sit formalis, & proxima, sed tantum radicalis, & remota; eo quod habitus est, qui potentiam eleuat ad totum, quod in actu sit, nihilque ipsa præflare valet, nisi eleuata per habitum: vel potius opposito modo loquendum sit.

Igitur, quod ad priorem questionem attinet, censendum arbitror, Thomistas commemoratos pro primâ sententiâ ab Auctoriis pro secundâ citatis nullatenus dissidere re ipsa: id quod illorum verbis relatis, probat Ouedo supra. Non enim censendi sunt negare dicti Thomistæ, (quippe negare nequeunt catholicè, ut apparebit ex dicendis), influxum effectuum potentia naturalis in actum supernaturalem, quem cateti dicunt Auctores conantur adstruere: cum sepe illum confiteantur expressè, prout in eorum scriptis apparet; tametsi penes loquendi modos, quibus

Disp. XIX. De principijs Visionis Dei. Quæst. IV. 591

vtuntur, & in quibus à cæteris discrepant Aucto-ribus, interdum videantur negare. Quod est, eos cum cæteris Aucto-ribus, quod attinet ad poste-riorem quæstionem, que solum eis de modo lo-quendi, non conuenire.

49 Ut ergo perspicue determinem, quid in præ-senti controvèrsiā tum de re ipsa, tum etiam de modo loquendi tenendum sit, suppono primò ut pro-sus certum, id, quod per se immediate non efficit aliquem effectum, neque vlo modo efficit illud, à quo talis effectus sit immediate, neutiquam dici posse ad talem effectum effectiū concurre-re. Quia alius modus non est concurrendi effectiū ad effectum, quām vel faciendo ipsum imme-diatē, vel faciendo id, à quo ipse fit: quod est ip-sum facere mediatē. Hinc aqua calida nullatenus concurrit effectiū ad producendum calorem in-alio corpore, cui applicatur: quia neque illum, neque alium, à quo ille fit, facit ipsa: tametsi aliter, quām effectiū, ad calorem factum con-currende dici possit: quatenus calorem efficientem sustentat vt subiectum eius. Cū ergo potentia-naturalis nullatenus efficiat in se habitum infusum sed penitus recipiat illum à Deo, vt est certissi-mum: si ipsa per se immediate simul cum habitu non faciat actum supernaturale, quem facit habitus, nullatenus ipsa talis actus factuā erit: quia neque proximē, neque remote ad eum con-curret effectiū. Vnde vel neganda est omnis acti-vitas potentia-naturalis in actum supernaturale oriundum ab habitu in ea recepto, vel conceden-da actiuitas immediata: remotam enim habere, non potest: quandoquidem ipsa nullo modo effi-cit habitum.

50 Suppono secundò, bifariam posse dici cau-sam partiale comparisonatione effectus. Primò, quia ipsa per se non ad totum effectum, sed ad partem tantum eius concurrit. Secundò, quia licet ipsa concurrat ad totum effectum, non tan-men se sola, sed simul cum alia concurrit; atque ita integræ, & totalis causa talis effectus ipsa pars est. Priori modo dicitur causa partialis par-tialitate effectus. Posteriori autem partialis par-tialitate cauæ. Que loquitiones vniuersalissime acceptæ aptissimè sunt ad loquendum cum distin-ctione in materia de causis; dummodò semper usurpentur intra idem genus causandi, efficienter scilicet, vel materialiter, vel formaliter, vel fi-naliter. Causa enim vnius horum generum comparata ad causam alterius non solet appellari par-tialis; tametsi vna sine alia nequeat causare effec-tum. Hinc fit, supposito, quod potentia natu-ralis, & habitus infusus intra idem genus causa-fficientis concurrunt ad aquam supernaturale, licet nihil in actu efficiat potentia, quod non facit habitus, optimè posse vtrumvis corum causa partialis talis actus partialitate cause voca-ri; tametsi non item causa partialis partialitate effectus.

51 Suppono tertiod, qua ratione vera est senten-tia communior, que affirmat, perfectionem actus supernaturale taxari penes perfectionem habitus, à quo procedit, quidquid sit de per-fectione maiori, aut minori potentia, à qua etiam nascitur per talem habitum elenata; de quo nos infra disp. 21. ea ratione dici posse in bono sensu, habitum esse totam rationem agendi actum super-naturale tantæ perfectionis præ alijs: non quod ipse solus eum agat, sed quod ab ipso solo sumatur ratio, cur talis actus cum tanta per-fectione, præ alijs alias possibilibus tali potentia, ab

ipso simul, & à potentia prodeat in lucem. Quem-admodum obiectum solum formale, sive motuum dicitur benè tota ratio terminandi hunc actum amoris præ alijs; tametsi non ipsum solum, sed simul obiectum materiale terminet illum: quia ipsum solum est, quod voluntatem mouet, de-terminative ad talem actum. His positis sit.

Propositio I.

Aliquam potentiam naturalem ad ali-
quos actus supernaturales effectiū concur-re simul cum adiutorio gratiæ, per quam ad illos eleuatur, ab omnibus omnino Ca-tholicis tenendum necessariò est.

Primò. Quia id manifestè colligitur ex pluri-mis sacra Scriptura locis. Sit vñus pro omnibus ille Pauli 1. ad Corinth. 15. Abundanter illis om-nibus laboreni: non ego autem; sed gratia Dei mecum. Id est, (inquit Aug. de grat. & liber. arbit. cap. 5.), non solum sed gratia Dei mecum: ac per hoc non gratia Dei sola, nec ipse solum; sed gratia Dei cum illo. Et Bern. de grat. & liber. arbit. sub finem, Malici dicere mecum præsumens, se non solum operis esse ministrum per effectum, sed operantis quodammodo socium per consensum. Et Gregor. lib. 16. Moral. cap. 12. Non enim diceret mecum, si cum præueniente gratiæ subseqens liberum arbitrium non haberet. Eſe etenim hic sermonem de operibus supernaturalibus, ac meritorij vitæ externe à voluntate Apostoli simul, & à gratiæ effectiū oriundis, cunctis compertum est.

Secundò. Quia Ttid. fess. 6. cap. 5. planè 53 definit contra Lutherum, & Caluinum, homi-nem gratiæ excitanti, atque adiuuanti liberè assen-tiendo, & cooperando disponi. Et can. 4. Si quis, inquit, dixerit, liberum hominis arbitrium à Deo motum, & excitatum nibil cooperari assen-tendo Deo excitanti, atque vocanti, quo ad inslu-citionis gratiam se disponat, ac preparet; neque posse dissentire, si velit; sed veluti inanime quoddam nihil omnino agere, mercèque passiū se ha-bere anathema sit. Et Concilium Senonense Prol. col. 2. fine. Debuerat certè Lutherus ex Apostolo noſſe, ita necessariam esse diuinam gratiam ad bene-operandum, vt cum eā tamen liberum arbitrium bo-num opus efficiat. Quibus manifestè decernitur, voluntatem humanam simul cum adiutorio gratiæ ad opera meritoria, atque adeo supernatura-lia effectiū concurre-re.

Tertiò. Quia Sancti Patres passim docent, 54 facultatem homini conuenire ad opera superna-turalia efficienda insitam, innatam, seu natura-lem, atque adeo distinctam præcisè spectatam, à facultate supernaturali, & extraneâ, quam accipit ab adiutorio gratiæ. Sæpe etiam expreſſius docent, naturam rationalem simul cum gratiæ ad opera pietatis, & meritoria, atque adeo supernaturalia effectiū concurre-re, vt multis eo-rum testimonij relatis latè probat Ripal. supra sect. 7. & sequentibus.

Quartò. Quia sæpe in Scripturis, & à sanctis Patribus assertur, ita Deus per suam gratiam operari in nobis opera bona, atque adeo super-naturalia, vt & nos ipsi, cuiusque gratiæ coope-remur ad talia opera efficienda. Vnde etiam sæpe eiusmodi opera nostra dicuntur, nobisque vt aliquid de nostro in illa simul cum gratiæ con-ferentibus attribuuntur. Ob idque sæpe etiam in

in sacris Litteris, & à sanctis Patribus gratia diuina non totalis, & adæquata, sed inadæquata, & partialis causa nostrorum operum adstruitur, vt pote efficiens illa non sola, sed simul cum nostra voluntate. Quæ omnia multis illustrat idem Ripalda sec. 9. 10. & 11.

⁵⁶ Quinto. Quia, vt constat ex Concilijs, Patribus, & Theologis, propria sunt munia diuinæ gratiæ nos excitare, & adiuquare, atque nobiscum cooperari ad salutaria opera, atque adeò supernaturalia efficienda. Quod stare non posset, nisi nos ad talia opera cum ipsa gratiæ effectiue concurremeremus, vt & ex se patet, & pluribus pondérat Ripal. sec. 12.

⁵⁷ Sexto. Quia actus vitales, quales sunt supernaturales intellectus, & voluntatis, absque concurso effectiue intellectuæ, volituæque facultatis connaturaliter salem stare non possunt titulo vitalitatæ, quam habent. Qui autem sunt voluntarij, & liberi, & meritorij, nullo modo existere possunt absque effectiue influxu voluntatis voluntis liberæ, & merentis, vt satis ex se est manifestum. Quomodo enim mihi erit liberum, & imputabitur ad meritum id, quod ego non facio? Ob id consequenter hæretici negantes nostræ voluntati concursum effectiuum in operagratia, confessim negarunt libertatem: errarunt tamen sicut in secundo, & in primo; siveque invtroque damnati sunt per Trid. vbi supra. De quibus etiam latius Ripal. sec. 13. 14. & 15.

⁵⁸ Septimo. Quia species impressa naturalis ad cognitiones supernaturales concurrens effectiue adiuta supernaturali principio earundem cognitionum, vt sec. 16. benè probat Ripalda. Ergo potiori iure intellectus per tales cognitiones intelligens; pariterque subinde quævis potentia naturalis ad suos actus supernaturales concurrens,

⁵⁹ Octauo. Quia actus supernaturalis de potentia absoluta potest effici à potentia naturali adiutâ non per habitum infusum, sed per auxilium merè extrinsecum Dei, vt ostendemus q. 5. Ergo inest ei insita virtus factiuæ talium actuum. Absque virtute enim aut insita, aut adiunctâ nullo sensu dici potest quidquam efficere aliud, vt est notissimum.

⁶⁰ Non. Quia nihil est, quod vetet, actum supernaturalem per potentiam naturalem effici: dummodò ea per aliquid supernaturale, ipsoque indebitum ad illum faciendum adiuetur, atque adeò eleuetur: potest quippe ab illâ ita adiutâ fieri, & nihilominus ipsi supernaturalis esse, & indebitus, vt ei adiutorium ipsi tributum, sine quo illum se solâ non posset facere. Et quidem, vt non est necesse, quod omnes causæ effectiue concurrentes ad actum vitalem sint vitales; sivequidem aliquæ non vitales, vt species impressæ, & habitus ad illos sic concurrent, vt constat: ita non est necesse, quod omnes causæ effectiue concurrentes ad actum supernaturalem sint supernaturales; siveque proinde ad illum optimè potentia naturalis concurrens poterit.

⁶¹ Decimo denique. Quia inter reliquos Santos, & Theologos planè pro propositione data stat S. Th. multis in locis, vt apud Ripal. sec. 19. videtur est.

⁶² Verum contra statutam propositionem obiicitur primò illud Apostoli ad Rom. 8. *Qui cunque spiritu Dei agiatur, ipse filius Dei.* Quo significatur, filios Dei in suis operationibus non agere, sed agi. Secundò illud ad Rom. 9. *Igitur non volentijs, neque currentijs, sed miserenijs est Dei.*

Quo in solum Deum referuntur opera salutaria nostra. Quemadmodum & 1. ad Corinth. 4. dum dicitur, *Quis enim te discernit? Quid autem babes, quod non accepisti? Si autem accepisti, quid gloriaris, quasi non accepervis?* Et ab Ecclesiâ socrante, *Deus, cuius est totum, quod est optimus, &c.* Tertiò obiiciuntur multi Patres, qui opus salutis non diviū cum arbitrio, sed totum, & integrum gratiæ diuinæ attribuunt. Quartò. Error Pelagianorum est, naturam posse quidquam facere, quod salutare sit. Semipelagianorum autem dividere inter naturam, & gratiam opus salutis. Igitur gratiæ dumtaxat ut efficienti debet illud opus attribui. Quinto. Natura factiuæ non est aëtus supernaturalis titulo supernaturalitatis, vt constat. Sed nec titulo vitalitatis: quia hæc etiam est supernaturalis. Ergo nullo. Sexto. Si natura efficeret actus supernaturales, quo illa præstantior est, h̄i essent præstantiores. Sed non ita enuntiatur: quia cum æquali lumine gloria non est præstantior visio beatifica Angelica, quam humana. Ergo. Septimo. Natura non operatur actum supernaturalem, nisi eleuata. Ergo habitus eleuans est tota ratio, totaque virtus operandi. Octauo. Habitus non est magis supernaturalis, quam actus. At est, si actus fieret etiam à naturâ: vt sic enim euaderet mixtus ex naturalitate, quam mixturam non habet habitus. Ergo. Non. Natura intrinsecæ est improprietatem ad efficiendum quidquam supernaturale, etiam in genere cauæ partialis: alioquin deberetur ei complementum ad id producendum. Ergo neque ut causa partialis potest ad illud efficiendum concurrens. Decimo. Si natura simili cum habitu efficeret actum salutarem, ab eâ euaderet hic naturalis: quia effectus sequitur debilitatem partem; sicut conclusio: fieret, vt nullus actus salutaris supernaturalis est. Quod est absurdum.

Respondeo ad primum, agi iustos spiritu ⁶³ Dei apud Paulum ibi, aliud non esse, quam eos inclinari, induci, & moueri spiritu Dei ad benè operandum; atque adeò, vt ita moti, seu acti agant, non ut merè patientur. Ad secundum dico, per ea verba Apostoli, & Ecclesiæ, etenim in Deum solum referri opera salutaria nostra, quatenus solus Deus sùa gratia præuenit voluntatem nostram, & circa omne nostrum meritum, ac nihil proflus conferentibus nobis in eiusmodi præuenitionem gratuitò dat nobis ea comprincipia, & auxilia, quibus nos infallibiliter cooperaturos præuider: in quibus subinde quasi in lemine nostram etiam nobis donat cooperationem; eviisque idecirco primaria, & principialis causa effectiua est: quin id obster, quoniam nos quoque simus causa effectiua eius minùs principialis, & secundaria. Id quod etiam sibi volunt Patres, dum opera nostra salutaria soli diuinæ gratiæ adscribunt. De quo plura Ripal. supra sec. 22. 24. & 28. & omnes nostri in materia de Auxilijs, unde etiam patet ad tertium. Ad quartum dico, Pelagianos naturæ scorsim à gratiæ tribus omnes actus salutares: Semipelagianos autem aliquos, non tamen omnes, sic inter naturam, & gratiam diuidentes. In quo errarunt utrique. Nos verò catholice non naturæ scorsim à gratiæ, sed naturæ prout conjuncta cum gratiæ, prout eleuataeque per illam opera salutaria tribuimus. Ad quintum respondeo, codem arguendi modo venire probandum contra arguentem, habitum infusum factiuum non esse actus supernaturalis, utpote

ut pote eius etiam supernaturalitas vitalis est. Atque ita dicendum pro omnibus, actum supernaturalem vitalem realiter loquendo titulo totius suæ essentia realis esse factibilem à coniuncto ex potentia naturali, & habitu infuso: cuius coniuncti partes ambo ad totum actum, atque adeò tam ad supernaturalitatem, quam ad viam, eius concurrunt, ut pote quæ realiter prorsus sunt idem. Tametsi, loquendo formaliter, seu prout à nobis concipiuntur formalitates istæ, vitalitas potentia naturali, supernaturalitas autem habitui infuso soleant attribui. Quo etiam pacto dici potest habitus concurrens ad actum titulo supernaturalis, & potentia titulo vitalitatis. Nec refert, supernaturalitatem esse vitalem, & vitalitatem supernaturalem. Quia vel id solum est verum in sensu physico; vel si etiam in formalis titulo transcendenter earum formalitatem: cum haec non per inclusionem, sed per adiectionem, peragatur iuxta doctrinam à nobis statutam in Pharo Scient. disp. 17. q. 20. adhuc superest locus præcisioni, sub qua sola supernaturalitas habitui, & sola vitalitas potentia per rationem nostram possint attribui. Ad sextum dico, ex eo, quod natura simul cum habitu actus supernaturales efficiat, non sequi, eò præstantiores debere esse actus, quæ præstantior natura est, ut videbimus disp. 21. q. 3. Ad septimum, concedo, naturam operari elevatam per habitum; nego tamen, habitum esse totam rationem agendi eo sensu, ut habitus solus sit causa operis effectiua. An vero alio sensu sit, patet ex dicendis. Ad octauum respondeo, ex eo, quod actus fiat simul à natura, & ab habitu, nec sequi, eis cum mixtum ex naturalitate; nec sequi, eis cum minus supernaturali, quam habitum. Quia totus nihilominus evadit indebitus naturæ, ac tam indebitus, quam habitus. Sicut ex eo, quod homo fiat simul ab alio homine, & à Deo, nec sequitur, eum esse mixtum ex humanitate, & Deitate; nec sequitur, esse minus, aut magis hominem, quam, si à solo Deo fieret. A causis quippe aut dissimilibus, aut inqualibus, nihil verat, produci effectus inter se similes, & æquales, aut absolue, aut quoad aliquod sui prædicatum. Ad nonum dico, naturam in genere cause partialis complenda per concausam indebitam sibi, & supernaturali non esse improprietatem ad actum supernaturali: quia per huiusmodi concausam adiunctam sibi elevatur, & pars proportionata manet causa ad quamvis talis actus. Tametsi in genere causa partialis complenda per concausam debitam sibi improprietate sit: quia per nullam concausam debitam sibi potest ad tales effectum adhuc ut pars causa totalis faciat eis proportionata reddi. Ex eo autem, quod natura virtutem intrinsecam partiale habeat ad efficiendum simul cum alio complemento actum supernaturali, non sequitur, ei tale complementum debitum iri: quia talis virtus non est naturalis comparatione, talis effectus, prout ad eiusmodi debitum fundandum requirebatur, sed obedientialis, & inchoata. Cui, sicut effectus ipse est indebitus, ita & complementum requisitum ad illum efficiendum indebitum est. Ad decimum, nego, effectum sequi debiliorem partem quoad quamvis perfectionem, ut patet in intellectione vitali facta ab intellectu vitali simul, & specie non vitali. Tametsi conclusio sequatur debiliorem partem quoad necessitatem, & falsitatem. Discremen est conspicuum: quia aggregatum bene potest esse perfectum per-

fectione effectui à se oriundo communicanda; et si non omnes eius partes pariter sint perfectæ. At nequiv esse necessarium, aut verum necessitatem, aut veritatem conclusioni à se inferenda communicanda, nisi omnes partes eius pariter sint necessaria, & vera, ut fatis ex se notum est. Quocirca, deficiente in aliqua parte aggregati necessitate, vel veritate, conclusio ex illo inferenda nequit esse necessaria, vel vera. Deficiente vero in aliqua parte aggregati tali, vel tali alterius generis perfectione, bene potest effectus ab illo oriundus ab eodem illam fortiri, ut pote habente nihilominus illam à ceteris partibus. Ex his, si quæ alia opponantur, facile à quolibet diludentur.

Ex dictis autem circa præsentem propositionem inferur, et si fortasse sit probabile propter auctoritatem Doctorum, quos q. 1. retulimus, intellectum Beati ad visionem beatificam non effectiū, sed solum passiuē concurrere, ipsam solo Deo effectiū per se, & medio lumine gloria à se infuso. Nequaquam tamen esse probabile, ad omnes actus supernaturales solos habitus infusos effectiū concurrere citra omnem concursum effectiū potentiarum naturalium, quibus à Deo infunduntur. Constat enim ex dictis, catholicè tenendum esse, ad actus saltem salutares, & meritarios vitæ aeternæ voluntatem humanam concursum aliquem effectiū præstare, nec merè passiuē se habere. Id quod à nullo Thomistarum negari, sicut neque ab ullo alio Catholicō, procul dubio censendum est iuxta dicta n. 48.

Propositio 2.

Concursus effectiū, quem præstat 65
potentia naturalis simul cum gratiā, qua
elevatur ad actus supernaturales, immediatus est.

Hanc propositionem probant imprimis fere omnia, quæ pro præcedente protulimus. Quia pleraque eorum, non quidem remotum, sive mediatum, sed proximum, & immediatum concursum effectiū tribuunt naturæ in actus supernaturales. Qualia sunt, quæ pónunt naturam cooperantem gratiā, & gratiam cooperantem naturæ, atque adeò utramque simul, & indissimiliter, & æquæ immediate operantem: id namque placet est, duo quæpiam sibi inuicem cooperari. Et cetera huiusmodi.

Deinde probatur ex dictis supra suppositione primâ. Quia alius modus non est faciendi aliquem effectum, quam vel immediate, sive proxime, vel mediately, sive remote, ut constat. Sed potentia naturalis non facit actus supernaturales mediately solum, sive remote, & tamē facit, ut modò iam ponimus. Ergo facit immediately, sive proximè. Quod non faciat mediately solum, sive remote inde ostenditur: quia ad id opus erat, quod ipsa non faciendo per se ipsum actus, faceret habitus infusos, aut etiam alia dona gratiæ, à quibus illi citra dubium immediately, & proximè sunt. Ast, ipsam huiusmodi habitus infusos, & dona gratiæ non facere, certissimum est: quia infunduntur à solo Deo. Ergo.

Dices. Anima media voluntate à se rea
liter distinguitur, non autem per se immediately efficit
actus suos liberos volitionis, & nolitionis; & ra
men absolute dicitur facere illos, ipsique ad me

ritum, vel demeritum sunt imputabiles. Quia voluntas est quasi instrumentum ipsi à natura datum ad tales actus efficiendos; quod autem fit medio instrumento, à causa, cuius illud est instrumentum, dicitur absolute fieri, eidemque etiam absolute imputatur ad meritum, vel ad demeritum, cum libet sit. Igitur, etiam si ipsa voluntas ad actus supernaturales efficiendos per se immediatè non concutatur, sed medijs dumtaxat habitibus infusis à Deo; absolute nihilominus dici potest illos facere, ipso ad meritum imputabiles esse poterunt. Quia tales habitus veluti instrumenta quædam sunt ipsius voluntatis à Deo data ad efficiendos eiusmodi actus. Ita philosophari videntur nonnulli Thomistæ.

68 Sed contra primò. Quia falsum est, voluntatem realiter esse distinctam ab anima, sicut ab ipsa voluntate habitus infusus distinctus est, ut constat ex dictis à nobis in Pharo disp. 1. q. 1. Contra secundò. Quia est voluntas realiter distinguitur ab anima, non potest non anima ipsa per se immediatè simul cum voluntate concutere ad efficiendos actus volitionis, & nolitionis, ut hi sint illi liberi, & imputabiles, vt etiam constat ex dictis loco citato. Contra tertio. Quia dato, quod anima non sit per se immediatè simul cum voluntate effectiva suorum actuum, adhuc superest titulus, ob quem anima, loquendo absolute, causa effectiva suorum actuum esse dicatur; nimirum, quia effectiva est ipsius voluntatis tanquam propriæ passionis à se naturaliter emanantis; atque ita, verè est causa remotè efficiens quidquid voluntas efficit proximè. At voluntas nullo titulo dici potest causa effectiva effectuum habitus sibi infusi, si per se immediatè non facit illos simul cum habitu; quia vt sic nec proximè inficit effectivè in eos, vt ponitur, nec remotè, cum effectuè non inficiat in ipsum habitum. Sed estò dicatur voluntas, licet impræcipie, efficer actus supernaturales ex eo solum, quod in se habeat receptam gratiam Dei, per quam illi vincere sunt; sicut etiam dici solet aqua calcificare ex eo solum, quod in se habet receptum calorem, per quem vincere fit calcificatio. Contra quartò. Quia voluntatem hoc pacto per gratiam Dei in se receptam agere, aperie fatebatur Calinus, ut recitatis eius verbis probat late Ripal, supra sec. 5. & 6. Et tamen negabat libertatem, planè perspiciens, hunc modum agendi voluntatis per solam gratiam in se receptam ad libertatem non sufficere; cum potius aliud non sit revera, quam voluntatem pati tum gratiam, tum opus per gratiam in se factum, atque adeo mere passum se habere. Quocirca Calinus, & sui vt defortores tum libertatis, tum veræ, & propriæ actiuitatis voluntatis damnantur à Tridentino ubi supra. Adde, errorum hereticorum, quem damnare intendit Concilium, in eo confitente, vt bene etiam probat Ripalda ex corum verbis loco citato, quod negarent immediatam cooperationem, actiuitatemque voluntatis cum gratia Dei, attribuentes soli gratiarum opera nostra. Huiusmodi ergo immediata cooperatio, & actiuitas est, quam definic Tridentinum; quamque Scriptura, & Patres Ecclesie supra à nobis commemorati conantur adstruere.

69 Ut hinc apparet, quam male Thomistæ aliqui absolute pronuncient, potentias naturales non proximè, & formaliter, sed remotè tantum, & radicaliter concutere simul cum habitibus infusis ad aquas supernaturales. Constat enim ex

dictis, necessariò facendum esse, concutere eas proximè, atque adeo formaliter, concursu scilicet effectivo, de quo sermo est. Quod si, dum dicunt, concutere remotè tantum, & radicaliter, dumtaxat volunt, concutere eas non se solis, sed simul cum habitu, quo elevantur, & adiuvantur, atque ita interueniente quodammodo habitu ipso, improppriissime sanè loquuntur. Quia concursus remotus in solum cum proprietate appellatur, quo primum earenus ad tertium, & sequentia concutere dicitur, quatenus concurrit ad secundum concurrens ad illa. Quod in praesenti non genuit.

Propositio 3.

Potentia naturalis, & habitus infusus illi, dum indiuismus, & per se immediate concutunt ad efficiendum actum supernaturalem, benè à multis Doctoribus appellantur causæ partiales eius.

Hæc propositione ex suppositione secundâ supra facta constat; nec maiore eget probatione. Quæ autem à Thomistis supra citatis præterita à Nazario obiciuntur contra illam, modis tantum loquendi hærent, leuioraque proinde ad rem sunt, quam vt in eis expediat morari.

Propositio 4.

Lumen gloriae in bono sensu, dici potest esse tota ratio agendi visionis beatifica, non absolutè, sed prout est tantæ perfectionis præ alijs maioris, aut minoris, quamvis non est integra causa actiua eius. Non vero itidem alij habitus ad actus supernaturales liberos voluntati infusi.

Prior pars propositionis inde probatur. Quia, vt infra disp. 21. q. 3. statuimus cum lenitatem magis communis, penes perfectionem luminis taxatur perfectione visionis; quidquid sit de perfectione majori, aut minori intellectus Beati; atque ita à sola quantitate luminis venit perenda ratio, cur visio tantæ perfectionis præ alijs ab ipso lumine simul, & ab intellectu Beati prodeat in lucem, prout supra etiam dicebamus suppositione tertia. Hoc autem in habitibus ad actus supernaturales liberos voluntati non habet locum. Quia hi pro nutu voluntatis determinantur ad operandum; atque adeo non necessariò exercent in actus, quos causant, totam suam actiuitatem, sed maiorem, vel minorem, penes maiorem, vel minorem ipsius voluntatis conatum; ab istoque potius, quam à quantitate habitus taxatur plerunque actus produci, vi pluribus est explicandumq. citata. Vnde

Secunda pars propositionis probatur. Invenit.

QVE*